

Yanomami pëmakini ipa kahiki wã pëma të wã ha oniprarini
pëma të wã kohipapë!



Nomeru 9

Computador ha puhi xaririprouwei të ã oni



Awei, kamiyë yamaki puhi xariprario tëhë kamiyë yamaki hërimamou puhio yaro. Kamiyë yamaki kiyãai mao tëhë, yamaki puhi xariprou pëoimi. Yamaki yai kiyãai tëhë rope yamaki yai puhi xariprario. Awei kamiyë yamaki pëiwei tëyai wãrõho mahi. Awei inaha të kua, yamaki warasipiaíwei të kã kua. Yamaki amoki niniaíwei të kã kua, yamaki heki niniaíwei të kã kua. Awei kamiyë yamaki puhi xariprario tëhë, kamiyë yama kiní jornal yama a taprai puhio yaro. Kuwë yaro hei Computador aha yamaki kiyãai, kamiyë yamaki puhi xariprario tëhë, kamiyë yamakini jornal yama taprai puhio yaro. Awei, kamiyëni Computador ya kã peximai, ipa nahi ha jornal ya taprai puhio yaro. Ipa nahiha kamiyë ya kiyãai mao tëhë, kamiyë ya puhi mohotiprario. Ipa nahiha kamiyë ya yai kiyãai tëhë, kamiyë ya puhi xirõ xariprario. Kuwë yaro Computador ya peximai, ipa nahiha ya kiyãai puhio yaro. Kuwë yaro ya peximai, História kamiyëni yakai taprai puhio yaro.

Rafael e të ã oni.

Napë pë urhipiha hei Yanomami pë rë kui, professor pë rë kui, ihi të pë pë esitutamou mi hurayoma. Weti naha computador a kuai? Inaha hapa professor Yanomami pë warima makui hei tëhë pë puhi homoprarioma, ihi të pë pata kiyama yaro, Boa Vistahami. 23 professor Yanomami pë ohotamoma, computador pëha. Surucucu hami të pë rë përiowei, Paapiuhami të pë rë përiowei, ihi të pë kã esitutamoma. Makuxi a kã.






COMPUTADOR HA YAMAKE PUHI MOYAMIWEI TĒ Ā ONI



Kamiyēni ipa xamatari tē ā oni ya taprarema. Kuwē yaro ipa oni ya taprarema. Computador tē ā oni. Computador aha ipa relatório ya kã taprai puhio yaro ipa Saúde ya tē ā pruka oniprarei. Kuwē yaro ipa relatório kã pruka taprarei. Kamiyēni relatório ya kã ximai Urihi pēha ipa relatório Microscopista relatório ya kã ximai Urihi pēha. Kamiyē pēmaki puhi yai moyamio tēhē tē yai xaari.

Kamiyē hēyēni kamiyē Professor yaimi makui ya payeria napē pēha. Yamaki yai yaximou mao tēhē tē yai totihi. Yamaki mohimou nikerou tēhē napē pēni mohiowei tē nohi waripouhe. Kuwē yaro kamiyē ya rē kui ya mohimoimi. Ipa nahi yaiha kamiyē ya pata kiyaa xoa. Kuwē yaro kamiyē mohimoimi. Hei tēhē kamiyēni Computador aha relatório kã taprai puhio. Ya ha taprarini Urihi pēiha relatório ya ximai xoo. Kuwē yaro kamiyē ya mohimoimi. Kamiyēni Saúde ya tē ā tai mao tēhē napēpēni tē pē yaxihimaihe. Kuwē yaro kami yamaki puhi yai moyamiopē. Kuwē yaro xaari yamaki yai kiyaapē. Yamaki mohimou tēhē tē yai totihiimi. Kuwē yaro xaari yamaki yai puhi moyamio tēhē tē yai totihi. Yamaki xi yai toprarou. Xaari yamaki ohotamou tēhē tē yai totihi. Kuwē yaro yamaki mohimoimi. Xaari yamaki kiyaa. Hugo e tē ā oni



Yanomami yamaki makui ai tē ā desenho amapērētaiwei tē ā oni tai piyēoma. Inaha tē pē kunowē. Programas aha yamaki puhi xariprarioma. Inaha yamaki kuwai piyēkoma.

Yanomami yamakini Computador yama a taprarema. Inaha yama a hirai puhio yaro.

Iniciar a tē ā oni ha yamaki puhi xaariprarioma. Jornal yama kã taprarema.

Yamaki puhi kuwēinaha yama tē taprarema. *Salvar* ai tē ā oni Yanomami puhi

xaaripramaiwēi tē ā oni yamaki puhimou. Yanomami puhi moyawēmarewē tē ā oni yama a taprarema.

Napē pē kahē wamaki rē kurenaha yamaki-kuproimi yamaki Yanomami xoa.

Yanomami tē pē napēprario, wamaki puhi ku no mai, Yanomami yama tē ā kohipi-pou xoa.

Computador tē ā kohipi mahi makui yama tē taprarema. Yanomami ya hirapē, ya puhi hakuni.

IVAN YOROANA YANOMAMI

